

Zeitschrift: Annalas da la Societad Retorumantscha
Herausgeber: Societad Retorumantscha
Band: 81 (1968)

Artikel: L'egliada viers igl avegnir...
Autor: [s.n.]
DOI: <https://doi.org/10.5169/seals-228380>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 21.12.2024

ETH-Bibliothek Zürich, E-Periodica, <https://www.e-periodica.ch>

L'egliada viers igl avegnir . . .

Dus fatgs specials digl onn da rapport (mars 1967 — fin da fevrer 1968) han intimau nies pievel romontsch e surtut nos organs da ponderar nos situaziun actuala, denton era da drizzar l'egliada viers igl avegnir da cultura e viarva romontscha: La preparaziun dall'istanza per la cuntinuaziun ed igl augment dil subsidi federal e cantunal ed il 30avel anniversari dalla renconuschientscha dil romontsch sco lungatg nazional svizzer.

Preparond l'istanza alla Confederaziun ed al Cantun han nos organs rendiu quen davart quei ch'ei vegniu prestau ni per part era tralashau dapi l'entrada en vigur dils davos conclus concernent igl agid dalla Confederaziun e dil Cantun (1960), analisau la situaziun actuala e stabiliu las lingias principalas per l'activitad futura. Quellas vastas lavurs e retschercas ein stadas dominadas d'in spért da vicendeivla confidanza e seriusa voluntad da preparar la via per in agir constructiv e prospectiv per francar il manteniment, mo era ina intensiva tgira e detscharta defensiu da nos beins culturals exponi a gronds prighels interns ed externs. Donn ch'igl appel fatgs sur la pressa romontscha a nies pievel entir entratg da presentar per scret ni a bucca propostas per mesiras adattadas per salvar e promover nies patrimoni cultural ha buca anflau pli bia eco. In sulet cumpatriot sesents ordeifer nies Cantun ha dau triev a quella invitaziun. Ei il quescher dils auters d'interpretar sco votum da cumpleina confidanza enviars ils umens al tgamun ni sco segn d'indifferenza? Nus cartein d'astgar supponer ch'omisus facturs hagian contribuiu a quei resultat. In a caussa ei denton certa: Che tuts Romontschs ein conresponsabels per lur matrimoni cultural e quei era lu, sch'els ein buca commembers ni suprastonts da nossas uniuns. La tenuta da nossa giuvna generaziun vegn influenzada fermamein dalla casa paterna, che dei da sia vart vegnir sustenida dalla scola e baselgia.

Sco resultat dalla lavur cumina el ravugl dallas singulas societads affiliadas e da lur representants el cussegl ed ella suprastanza ha la

Ligia Romontscha presentau agl auldtitgau Cussegl federal viers la fin da november 1967 ina istanza cul petitum per in niev conclus federal davart ina contribuziun regulara duront in'ulteriura perioda da 10 onns per mantener e promover lungatg e cultura retoromontscha e per in alzament dil subsidi federal da 100 000 sin 180 000 francs. Sco secunvegniu cun Confederaziun e Cantun, vegn l'istanza a nossa ludeivla Regenza inoltrada aschiprest che las combras federalas han dau lur decisiun. Aschinavon che la Confederaziun conceda igl augment previu, vegn il Cantun dumandaus per in augment da 40 000 francs. En vesta da sias fleivlas finanzas e dil fatg che nies Grischun segida dasperas aunc cun bialas summas per nossas edizions che ston per la gronda part vegnir finanziadas separadamein, ein ils organs dalla LR seresolvi da proponer ina repartiziun digl augment ella proporziun da duas tiarzas viers ina tiarza. Nus sperein che nossa istanza anfi buna accoglientscha ed il giavischau succes. Lura ha ei num barhar e luvrar cun niev slonsch per francar nies avegnir.

Ils 20 da fevrer 1968 eis ei gia stau 30 onns dapi il memorabel di dalla votaziun federala davart la recognuschienscha dil romontsch sco lungatg naziunal. Lezza decisiun prida cun in forza aunc maisudiu pli da 574 991 gie encunter 52 827 na ei buca mo stada ina clara risposta a certas aspiraziuns digl exterior da metter maun vid nies stat helvetic. Na, ella ha milsanavon dau nova curascha al pievel romontsch e tschentau il fundament per adattadas mesiras da sustener ses sforzs a pro da sia ierta culturala. Da procurar che quei anim stezzi buc en embrugls interns ed el turmegl d'in agir e patertgar materialistic, ei la greva mo nobla incumbensa da nies pievel, da ses menaders e da nossas organisaziuns culturalas.

La radunonza da delegai

La beinfrequentada radunonza da delegai dils 3 da zercladur 1967 ei stada ina legrevla scuntrada da Romontschs pertscharts da lur responsablada viers lur pievel e siu svilup cultural. L'absenza dil parura muort malsogna ha denton fiers in'umbriva silla tschentada. El center dalla discussiun ei staus il problem co igl equiliber finanziaal dalla LR e da sias societads affiliadas pudess vegnir contonschius per cheutras francar la cuntinuaziun ed extensiun dall'activitad malgrad la carschenta carischia.